

egiten itzal gustatzekoak.

Aize biguñen bultzadachoak
zerbait mugitzen diruriyela,
eta erraño arpegikoak
farrez jarritzen balu bezela.

Miragarritzko mugira aiyek
ganbiatuaz punturo ala,
duda gaberik bazirudien
egiyetako farchoa zala.

Nik ez dakitzer gertaten zan an;
baña begira negoanean,
farrez bezela abiyatzen zan
neri begira jartzen zanean.

Amoriyuak sutuba dana,
esan niyon nik berari ontan:

—¿Utzi nai nazu izar laztana
muñ bat ematen abocho ortan?

Amets on arrek nasturik ala
nolasegiran penaz sufritzez,
uste nuben ai! egiñ zirala,
oju aundi bat esanaz—Ezetz

Begiratuaz neronen jiran
eta galdurik gozo guziya..
boza on batek eranzun ziran
baiyetz eder bat garbi garbiya....

Illargiaren argi ubela
odoi beltz batek itzalirikan
gelditu ziran lenaz bezela
baratz zaroiyak illundurikan.

Billatu nairik marmol arriya
musututzeko ezpaincho otzak,
beste gauza bat gustagarriya
sentitu zuen nere biyotzak

Ontan berriro zabaldurikan
illargi eder aren argiya,
ikusi nuen chokaturikan
gauza bat ongi arrigarriya:

Echeko morroi mutur-zabala
neri begira farrez lertutzen
an azaldu zan, ta ari zala
presaz bezela galtzak lotutzen.

VICTORIANO IRIGOLA.

SOMAKETA.

Letracho bat da nere

Lenbizikoa;

Biya ta iruba gauza

Chit chikichoa;

Eta guztiya

Gabe dagoena, da

Errukarriya.

Askantza urrengo lumero edo liburuchoa.

Asko chokatzen zairak
 ire ibilliya...
 ¿Zer egiñ dek Habanan
 diabruz josiya
 orrenbeste urtian?
 ¿Zer ibilli aiz an?
 —¿Zertan ibili naizen?
 dantzan, aita, dantzan.
 —¿Dantzan? ¿eta lotsatzen
 ez ai esatia?
 ¡A zer ofiziyua
 ontzakoz betia
 poltsa ekarritzeko! ...
 —Aita, dirurikan
 egiya da, ez det nik
 ekarri andikan,
 baña neri Habanan
 tangua dantzatzen
 etziran yayuenak
 ere irabazten.
 ¿Zer uste du naizela
 dantzatzen tangua!
 ura da, ura dantza
 ta ez fandangua.
 Ara, onla jartzen da
 belcharen aurrian,
 eta *la guachinanga*
 mugitzen danian,
 bizkarra alchatzen da.

Eskubak chinchilik:
 onla, aita, gerriyak:
 pausua isilik
 emanaz, oiñ puntetan
 kizkurtuba dana,
 farrez, farrez juaten da
 Panchita-ren gana.
 ¡Ai aita! balekike
 gero *guachinangak*
 nola jartzen dituben
 danzarako ankak,
 ikasitzen asiko
 litzakela nago.
 —Mutil infernukua
 isilikan ago,
 ik zer pentsatutzen dek
 arraye petralla,
 dantzan nik familiya
 mantentzen detala?
 —Zer gauza
 —Baldiñ ori
 guchi badeizkiyok,
 ire *guachinangari*
 ua ta esayok,
 nik egiten detana
 gauza guchi dala,
 eta tanguarekiñ
 mantendu azala.

VICTORIANO IRAOLA

1.^{ko} SOMAKETAREN ASKANTZA:

ECHEA.